

## আমাদের উদ্দেশ্য

রেডিও মেঘনা (উপকূলের কণ্ঠস্বর) কোস্ট ট্রাস্ট এর একটি কমিউনিটি রেডিও। বাংলাদেশের উপকূলীয় এলাকার প্রান্তিক মানুষের জীবন-মান উন্নয়নের জন্য কাজ করে। এটি উপকূলীয় দ্বীপ ভোলার চরফ্যাশন উপজেলায় ২০১৫ সালে যাত্রা শুরু করে। রেডিও মেঘনা বৈধ অধিকারের দাবি, সমাজে বৈষম্য দূরীকরণ, জলবায়ু পরিবর্তনের প্রভাব মোকাবেলা ও পরিবেশ সুরক্ষা, মৎস্য, কৃষি, লিঙ্গীয় সমতা ও শিক্ষাখাতে সামাজিক, সংস্কৃতিক ও গ্রামীণ উন্নয়নে উৎসাহী করা এবং জনগণের সক্ষমতা বৃদ্ধির জন্য দরিদ্র কণ্ঠস্বর বাড়াতে কাজ করে।



/radiomeghna99.0




radiomeghna.net

চরফ্যাশনে মালচিং পদ্ধতিতে হলুদ, সবুজ ও কালো তরমুজ চাষ

চরফ্যাশন উপজেলার হালিমাবাদ এলাকার একজন আর্দশ চাষি আক্তার হোসেন মহাজন। দেশের অন্যান্য জায়গায় নতুন জাতের তরমুজের প্রচুর চাহিদা থাকায় প্রথমবারের মতো তার খামারে অসময়ে মালচিং পদ্ধতিতে সবুজ, কালো ও হলুদ রঙের বারোমাসি তিন জাতের তরমুজ উৎপাদিত হচ্ছে।

জানা যায়, সম্প্রতি কৃষি সম্প্রসারণ অধিদপ্তরের সহযোগিতায় ইউনাইটেড নামের একটি আমদানিকারক প্রতিষ্ঠান থেকে উচ্চ ফলন শীল বারোমাসী তিন জাতের তরমুজের বীজ সংগ্রহ করেছেন। এরপর প্রদর্শনী এসএসসিপি প্রকল্পের আওতায় হাইব্রিড জাতের এই জাতের তরমুজ চাষ করেন। এ জাতের তরমুজ বারোমাস চাষ করা যায়।



আক্তার হোসেন মহাজন

বলেন, উপজেলা কৃষি অফিসের পরামর্শে মালচিং পদ্ধতিতে জৈঠ্যে মাসের মাঝামাঝি সময়ে ৮ শতক জমিতে ১২০ টি ট্রেতে সাড়ে ৩ শটি তরমুজের চারা রোপণ করেন। রোপণের ৬০ থেকে ৬৫ দিনের মধ্যেই এই জাতের তরমুজ বিক্রয়ের উপযোগী হয়। প্রতিটির তরমুজের ওজন আড়াই থেকে তিন কেজি হয়ে থাকে বলে জানান তিনি।

এছাড়াও তিনি বলেন, এই জাতের তরমুজ অল্প খরচে কম সময়ে ভালো ফলন ও অধিক মূল্য পাওয়া যায় বলে অসময়ে নতুন জাতের তরমুজ চাষে অগ্রহী হয়ে উঠেছেন তিনি। তরমুজ চাষে যে পরিমাণ অর্থ ব্যয় হয়েছে তার থেকে বেশিদামে ফলন বিক্রি করে লাভবান হওয়া যাবে বলে তার ধারণা। এখন থেকে প্রতিবছর বারোমাসী তরমুজ চাষ করা আশা প্রকাশ করেছেন। সর্বশেষ উপজেলার সকল কৃষকরা যাতে এই তিন জাতের সবুজ, কালো ও হলুদ রঙের তরমুজ চাষ করে উপজেলা ও জেলার বাহিরেও যেন রপ্তানি করতে পারেন এই আহবান জানান তিনি।



নিজেকে সুন্দর দেখাবে, সুন্দর ভাবে উপস্থাপন করাতে সবাই চায়। নিজেকে সুন্দর বা সুস্থ রাখতে হলে প্রয়োজন ভালো খাবার এবং দামী দামী প্রশাধনী, এমনটাই মনে করেন অনেকে। গ্রামীণ নারীরা সংসারের কাজে ব্যস্ত থেকেই কাটিয়ে দেয় তার জীবন। নিজের যত্ন নেয়া বা নিজের সৌন্দর্য বলতে তারা বোঝে দামী পন্যেসামগ্রী ব্যবহার। নিজের সৌন্দর্য ঢেকে রাখতে দারিদ্রতার চাঁদরে। রেডিও মেঘনায় প্রচারিত হয় সাপ্তাহিক অনুষ্ঠান “সাজসজ্জা”। রূপ চর্চা বিষয় বিভিন্ন তথ্য প্রচারিত হয় এই অনুষ্ঠানে। ঘরোয়া উপায় নিজের সৌন্দর্য ধরে রাখতে নিয়মিত “সাতসজ্জা” অনুষ্ঠান শুনেন, শিল্পী (১৬)। অনুষ্ঠানে প্রচার করা পরামর্শ গুলো মেনে চলার চেষ্টা করেন তিনি।

তিনি জানান, রেডিও থেকে শুনে বেশ কয়েক দিন চেষ্টার পরে, মাথার খুসকি, চোখের নিচের কালো দাগ দূর হয়েছে। এছাড়াও হাত-পায়ের যত্ন ও সাজগোজে সতর্কতার বিষয় গুলো মেনে চলার চেষ্টা করেন তিনি।

চর আফজাল ১নং ওয়ার্ডের কিশোরী শিল্পী, পড়াশোনার ফাঁকে ফাঁকে সকাল বিকাল রেডিও শোনেন। টাকা খরচ না করে ঘরোয়া উপায় নিজের যত্ন নিতে পেরে ধন্যবাদ জানান রেডিও মেঘনাকে।

## রেডিও বিশেষ অনুষ্ঠান

চোখ ওঠা মহামারি আকার ধারণ করেছে। ঘরে ঘরে চোখ ওঠা শুরু হওয়ায়, রেডিও মেঘনায় এ বিষয়ে করণীয় সম্পর্কে সংবাদ, পিএসএ ও ম্যাগাজিন অনুষ্ঠান প্রচার করেছিল। সেই অনুষ্ঠানে চোখ ওঠা প্রতিরোধ, প্রতিকারসহ নানা তথ্য প্রচার হয়।

চরফ্যাসন আমিনাবাদ ৩নং ওয়ার্ডের লিমা বেগম (২৩) রেডিও মেঘনার একজন নিয়মিত শ্রোতা। প্রথমে তার পরিবারে শাশুড়ির চোখ ওঠে। তখন তিনি কোন রকম সতর্ক ছিলেন না। ফলে ঐপরিবারের আরো একজন আক্রান্ত হন। এতে ঝুঁকিতে থাকেন পরিবারের অন্য সদস্যরা। এরই মধ্যে তিনি রেডিওতে “স্বাস্থ্য কথা” অনুষ্ঠানে শোনেন চোখ ওঠা প্রতিরোধে করণীয় বিষয়। তখনই সতর্ক হয়ে যান। রেডিও তে প্রচারিত হওয়া পরামর্শ অনুযায়ী চলার চেষ্টা করেন। বিশেষ করে তার ছোট ছেলে-মেয়ের দিকে সজাগ দৃষ্টি রাখেন। ছেলের ব্যবহারের জামা-কাপড়, খেলনা ইত্যাদি তিনি আলাদা করে রাখেন এবং বাহিরের কোনো শিশুদের সাথে খেলা করা থেকে বিরত রাখেন। রেডিও তে প্রচার হওয়া ডাক্তারের পরামর্শ অনুযায়ী নিজেসহ পরিবারের সবাই সতর্কছিলেন। এই উপকারের জন্য ধন্যবাদ জানান রেডিও মেঘনাকে।



## শ্রোতা মতামত



- ‘ঘূর্ণীঝড় সিত্রাং’ প্রতি ১৫ মিনিট অন্তর অন্তর রেডিওতে আবহাওয়ার বিশেষ বিজ্ঞপ্তি শুনেছেন। তখন আবহাওয়া বার্তা জানার একমাত্র মাধ্যম হিসেবে রেডিও মেঘনার প্রচারনায় শ্রোতার খুই উপকৃত হয়েছে।
- ফ্রিজের কি কি খাবার রাখতে হবে আর কতখন রাখতে হবে এ বিষয় জেনে উপকৃত হয়েছে।
- “মানুষ কেন স্বপ্ন দেখে” এ বিষয় বর্ণালী অনুষ্ঠান শুনে অনেক অজানা বিষয় জেনেছেন।
- চোখ ওঠালে করণীয় কি, সেবিষয় জেনে সতর্ক হয়েছেন।



যোগাযোগ:

উম্মে নিশি, সহকারি স্টেশন ম্যানেজার, রেডিও মেঘনা। ফোন: ০১৭০৮ ১২০৩৯০  
ই-মেইল: [nishi.meghna@coastbd.net](mailto:nishi.meghna@coastbd.net) কুলসুমবাগ, চরফ্যাসন, ভোলা।